

紅雪樓原
版影印

蔣士銓著九種曲

上海朝記書莊印行

唐駝署

壬戌年四月中澣

蔣士銓九種曲

孟茂莫襄



紅雪廬原本

香祖廬

孟茂莫襲



民國十二年上海
朝記書莊印行

癸亥七月上
海朝記書局
印行

雲
數
魚
卒

自序

書筆

或謂藏園主人曰。子題愍烈記云。安肯輕提南董筆。替人兒女寫相思。今乃成轉情關一編。豈非破綺語之戒。涉欲海之波。踐情塵之跡耶。主人听然而笑曰。否。否。風雅首於二南。其閨房式好之詞。巾幘懷人之什。長言而嗟嘆之何爲者。益得乎性情之正者也。惟然。故冠於三百之篇。或曰。敢問香祖樓情何以正。主人曰。曾氏得螽斯之正者也。李氏得小星之正者也。仲子得關雎之正者也。發乎情止乎禮義。聖人弗以爲非焉。豈兒女相思之謂耶。或曰。敢問兒

女相思則何若。主人曰。才色所觸。情欲相維。不待父母媒
妁之言。意耦神構。自行其志。是淫奔之萌蘖也。君子惡焉。
或曰。然則茲編。仍南董之筆歟。主人曰。知言哉。于是以情
關正其疆界。使言情者弗敢私越焉。乾隆甲午寒食日。藏
園居士自書。



論文一則

甚矣香祖樓之難于下筆也。前有空谷香之夢蘭而若蘭何以異焉。夢蘭若蘭同一淑女也。孫虎李蚓同一繼父也。吳公子扈將軍同一樊籠也。紅絲高駕同一介紹也。成君美裴畹同一故人也。小婦同一短命也。大婦同一賢媛也。使各爲小傳且難免雷同。瓜李之嫌況又別撰三十二篇洋洋灑灑之文必將襲馬爲班本昀成祁安能別資于邕判優于敖也乎。作者曰不然。夢蘭之吳公子成君美實有其人若蘭之外皆不可深考。吾以蘭爲獅之球龍之珠。馘

之鬼睛布之戟支焉。按蘭譜。蘭之紫者黃者白者。皆有姓名也。害蘭者。蚓與蟻也。架高則免焉。而又護之以風幡。培之于九畹。自能展其媚而揚其芬也。于是布子分郢。立經陳緯。製局謀篇。穿插掩映。將復轉離。欲粘反脫。試合兩劇。而參觀之。微特不相侵犯。且各極其變化推移之妙。嗚呼。神矣哉。予謂不善爲文者。如拙工之寫生。秦人越人。無不相似者。善爲文者。不然。伯喈必非仲喈。家臣斷非至聖也。玉茗先生。寫杜女離魂。若彼矣。作者偏不畏其難。而一再攫其鋒。犯其壘。弗以爲苦。寫夢蘭之死。則達也。寫俞娃之

死則戀也。寫若蘭之死則恨也。皆非若麗娘之死于情欲之感而立言之旨。動關風化。較彼導欲宣淫之作。又何其婉而多風。嚴而有體也。耶。至首尾二篇。以情關爲轉捩。發出徹地通天之論。造語神奇。說理平實。括三乘于半偈。韜萬派于一源。又何其解悟神通若是歟。昔人以填詞爲俳優之文。不復經意。作者獨以古法律律行之。搏兔用全力。君子于其言無所苟而已矣。不信然乎。前身花之寺僧兩

峯山人羅聘書



後序



予情渺渺引自無端此境依依因而有著剪柔絲而不斷
亂緒偏多過逝水以難停驚波靡定都無起止心花發向
誰邊忽有勾留意蒞粘于空際益從因示現遂繾綣之非
常以相生緣竟纏綿而莫解聯寸衷于脉脉此之謂情生
百感于茫茫轉成爲恨情能終局歡娛皆係前塵恨少收
場苦惱多由宿業嗟乎補情天之缺采石焉求填恨海之
坑冤禽罔訴乃有文章大手挽恨水之奔濤肯將詞賦餘
波潤情田之槁壤婆心隱躍假風月以寓雷霆苦口瀾翻

藉袞彈而爲棒喝。寄詠詞于莊論。無非指點迷津。寫名理于清言。不異商量正學。此香祖樓一編之所由作也。原夫花生上界。三枝偶作低徊。因之刼墮閭浮。一室來成眷屬。天關共轉。巍巍手握樞機。世網爭投。赫赫途分。靈蠢六般成就。旗邊字字分明。各種無常。簿上紛紛領受。爾乃協紫綬黃裳之吉。現宰官仕女之身。戶列三星圖。成二美。桐陰比翼。翔阿閣之鸞皇。銀漢交翎。戲仙橋之鵲。鵲情之正者。福用歸焉。別有孤根屈曲。秀出卑枝。弱羽離裊。生爲窮鳥。造化不加憐惜。鬼神安肯護持。是雨露之所遺。任風霜之

交。妒。偶。登。鷲。嶺。便。稱。弟。子。陀。羅。纔。近。蓮。臺。許。作。慈。航。龍。女。
于。是。綠。珠。堆。米。換。取。璧。人。寶。帳。垂。烟。遮。藏。金。屋。南。園。鬪。草。
花。底。隨。肩。碧。沼。觀。荷。尊。前。聯。詠。極。倡。隨。之。樂。邊。旁。倚。此。娟。
娟。訂。燕。婉。之。盟。固。結。期。于。世。世。不。料。貪。狼。無。饜。中。山。之。毒。
肆。流。黠。鼠。多。謀。半。夜。之。奸。叵。測。雖。鋤。凶。有。律。堂。縣。燭。恠。之。
犀。而。縛。鬼。無。憑。符。少。辟。邪。之。咒。嗟。乎。草。難。獨。活。花。作。將。離。
斷。寸。寸。之。猿。腸。洒。行。行。之。鵲。血。零。丁。賦。命。子。爾。小。星。揖。遜。
甘。心。賢。哉。大。婦。春。光。九。十。便。算。一。生。恩。愛。萬。千。難。留。半。晌。
空。抱。重。圓。之。鏡。徒。悲。已。缺。之。甌。休。言。笛。授。花。奴。枉。說。樓。名。

香祖從此魂銷海畔。頻延屢死之生。目斷天涯再。蘇雙聲之韵。帛書寄去。盼穿河北關山。油壁推來。笑煞党家風味。且向銷金帳下。凜凜數言試看。刁斗聲中。錚錚一命。于是桑扈絕交。飛之想高吟求友。鵲鴿芄蘭。釋紉佩之憂。不唱換巢鸞鳳。同全趙璧。謀從間道而歸。誰失楚弓。暗買曲張而得。入雄狐盜藪。依然不染。亭亭假雌虎獅威。猶是無瑕皎皎。無何王師自天而下。蟻賊據險以迎。九重授鉞。誇渠橫海將軍。三十登壇。是妾封侯。夫婿郎真。罷虎僕亦崑崙沙吒利。函顱有匣。敢將柳氏潛藏。古押衙救死。無丹空把。

王孃偷出鳴庫半庵落葉掩此哀蟬滿馬征旗難招別鶴
徒使殘魂一縷化爲幕上之鳥雖餘細柳千絲莫返樓中
之燕情之恨者人也天乎若乃將仲子兮其癡難及猶夫
人也歟愛惟均衾裯陳列鼎之圖枕簟結同功之繭他生
未卜此生先說休休小別如何永別居然草草捧遙絨而
隕涕高樓拍遍闌干坐冷月以懷人破驛聽殘鼓角獨尋
蕭寺可憐少婦離魂晝寢空堂還續香樓前夢莫不以癡
償恨以愛生魔敢云本德爲功恃緣成福夫奉行惟善曹
司有紀錄之神食報不虛戰壘集酬恩之鬼雖恒理之可

信實。寓言之有加也。至于蟻穿蚓蝕。皆爲芳烈所招。卽教
幡護架擎。亦係馨香宜有。魔寧任過。義敢稱功。若非帝釋
前後諄諄。將使衆生來回。曹曹此又情關之妙。于其轉者
也。嗟乎。舞衫歌扇。大半宣淫。檀板金樽。無非行樂。說理者
落于腐障。掩耳思逃。醒世者墮入狐禪。游談惹厭。惟本忠
孝節義之旨。趣發爲布帛菽粟之詞。章質非僞。父之敷陳。
雅異俗流。之掉弄雲霞。結綺目眩者。方知五色成文。琴瑟
和聲。傾聽者。始識八音吹律。試問俳優陋語。可能感動至
情。若無筆墨化工。不足維持名教。借酒盃而歌哭。自君出。

矣。奚。殊。三。疊。清。商。觸。恨。壘。以。咨。嗟。惟。我。聽。之。不。啻。一。聲。河。
滿。乾。隆。甲。午。九。秋。種。木。居。士。陳。守。詒。題。撰。

